

Date – 30/04/2025

Time - 7:30 -7:40Hrs

AKASHVANI AIZAWL

REGIONAL NEWS BULLETIN

HEADLINES (MORNING)

- 1. Lengpui Airport enkawl turin Airport Authority of India chu a inbuatsaih tan.
- 2. Aizawl-Thenzawl-Lunglei ATL Road siamna sum dah phut-a lungawilohna lantir mek Lunglei MZP chuan ni 3 nan kawngpui an dan chhunzawm.
- 3. President Drouapadi Murmu-i chuan Chief Justice of India thar atan Justice Bhushan Ramkrishna Gavai a ruat
- 4. Prime Minister Narendra Modia kaihhruaiin nimin khan New Delhi-a a chenna inah high-level security meeting neih a ni.

<><><>

CM MEETING WITH AAI

Lengpui Airport enkawl turin Airport Authority of India chu a inbuatsaih tan a, AAI hotuten Lengpui Airport tih changtlun nghal ngai zual nia an hriat te leh hma an lak zel dan tur te Chief Minister Pu Lalduhoma hnenah an thlen.

AAI hotute Dr. Sharad Kumar, Member (Operations), Pu M Raja Kishore, Regional Executive Director, NER leh an thawhpuiten Chief Minister Pu Lalduhoma nimin khan an kawm a. Lengpui Airport - Airport Authority of India kuta hlan chungchang an sawiho a ni.

Chief Minister chuan, tun hma atang tawhin AAI kuta Lengpui Airport enkawl hna hlan tuma hmalakna a awm tawh thin a, anni pawhin ngaihven mahse an beisei angin thil a kal tluang lo va, duhthlan tur dang, Mizoram tana tha tawk tak a lo awm bawk si avangin chung mite nena indawrna te chu an kalpui a ni, a ti a. Tun hnaiah Union Home Minister Pu Amit Shah nen an inkawmnaah AAI nena indawrna thar thawh leh tha an tih avangin tunah hian an indawr leh ta a ni a ti.

Union Home Minister leh Chief Minister ten Lengpui Airport AAI kuta hlan chungchanga inbiakna thar neih an rel hnu hian Commissioner & Secretary to CM, GAD Pu Vanlaldina Fanai chu Delhi ah kalin tun thla ni 16 khan Ministry of Civil Aviation Secretary leh AAI hotute nen meeting an zui nei nghal a. An meeting ruahmanna angin AAI Team te hian Mizoram an rawn tlawh ta a ni.

An inkawmnaah hian Chief Minister hi Adviser to CM Pu TBC Lalvenchhunga, Pu Vanlaldina Fanai leh Mizoram civil aviation wing hotuten an tawiawm a ni.

(DIPR)



NCST

National Commission for Scheduled Tribes chuan an Chairperson Pu Antar Singh Arya hovin nimin khan Autonomous District Council te an tlawh a , nimin vek khan Aizawl an lo let leh a ni.

National Commission for Scheduled Tribes Members Pu Nirupam Chakma, Dr. Asha Lakra leh Pu Jatothu Hussain te chuan nimin khan Chakma Autonomous District Council hmunpui Chawngte-ah Yuva Samvat _(CADC Foundation Day)_ an hmanpui hnuah, chawhnu lamah Mara Autonomous Dist Council hmunpui Siaha an tlawh leh a MADC, CEM Bunglow, Siaha-ah an mahni lawmna hun buatsaih a ni.

Pu Antar Singh Arya chuan National Commission for Scheduled Tribes te hi tun ang hian a huhovin an zin ngai lo tih sawiin, Autonomous District Council hnathawhte an hmuhin an lawm hle a ti a. National Commission for Scheduled Tribes a a awm hnuah an tih hmasak ber chu Tribal-te hmasawnna tur sawi puiin India President Pi Droupadi Murmu an hmu hmasa ber a, ani pawhin Tribal-te hmasawnna a ngai pawimawh tak zet a ti a, amah chu Madhya Pradesh Tribal ve tho anih thu sawiin, Tribal-te hmasawnna a ngaih pawimawh thu leh hnamzia leh nihnate humhim a vawng nung zel turin a chah.

National Commission for Scheduled Tribes Chairperson hian Lai Autonomous District Council leh Mara Autonomous District Council-te hotute kawmin, LADC in Lai hnam hmasawnna tur Memorandum a siam chu Pu David Zothantluanga P&DO, LADC chuan a hlan a ni.

(Lalnggheta Ralte Lawngtlai PTC)



AGRICULTURE MINISTER

Agriculture Minister Pu P.C Vanlalruata’n Mizoram Liquor Prohibition Act 2025 hnuaiah Mizo rilrem zawngin wine siam chhuah leh zawrh kawngah sawrkarin hma a la dawn a ti.

He thu hi nimin a National Symposium and Consultative Workshop on Production of Wine From Grapes and Fruits in Mizoram puala hun buatsaih a hmanpui na ah sawiin Minister chuan Mizoram thei chi hrang hrang hmanga wine siam chhuah kawngah hma an sawn hle a ti a, Mizoram Liquor Prohibition Act 2025 hnuaiah Mizote ril rem zawngin wine siam chhuah leh zawrh kawng ah sawrkarin hma an lak dawn a ti a, Mizoram ah grape, sapthei, lakhuihthei leh balhla te chu Mizoram boruak leh ram ah tha tak in a to thin tih sawiin tun aia sawngbawl dan tha zawk an ngaihtuah dawn tih a sawi bawk.

He hun hmanah hian wine siam lama mithiam ten wine siam dan bakah Mizorama thei chi hrang hrang thar chhuah hmanga wine siam chhuah dan an zir ho a, Wine siam na hmanrua leh wine hmanga tourist hip dan bakah hralhchhuah dan zir ho a ni bawk.

(Corr : Chawnga)



ATL ROAD STIR

Aizawl-Thenzawl-Lunglei ATL Road siamna sum dah phut-a lungawilohna lantir mek Lunglei MZP chuan a ni 3 nan vawiin hian kawngpui an dan chhunzawm a, kawng dan avangin Hrangchalkawn, Pukpui leh Lawngtlai lamah lirthei thahnem tak a tangkhang mek a, tunah hian pawl hrang hrang 22 vel in MZP hmalakna hi an thlawp thu an chhuah tawh a ni.

Kan corr sawi danin, kawngpui dan duty zingah hian Commercial Vehicle Owner te leh ZDU mi leh sa te pawh an awm a. Central Young Lai Assn (CYLA) ten thlawpna an chhuah Sub. Hqtrs. YMA Lunglei Emergency Meeting chuan ATL Road siam na tur sum pawh pen dah let leh ngiata MZP hmalakna chu Mizoram Chhim lam mipui aw a ni tih hria a, a hma thei ang bera tih hlawhtlin sak turin sorkar a ngen bawk a ni.

(Thanghmingliana Renthlei, PTC Lunglei)



MIZORAM FLORIST FAIR

Ni 4 awh tur Florist Fair, Mizoram Florist Association buatsaih chu Horticulture Board Secretary Pi Ramdinlianin nimin khan a hawng a.

Florist Fair hi Aijal Club park ah neih niin a duh apiang tan chhim theih a hawn a ni a, Pangpar chi hrang hrang bakah, pangpar khawina pot, leitha leh pangpar enkawl na bungrua chi hrang hrang lei theih a chhawp chhuah a ni a.

Mizoram Florists' Association hi kum 1997 Nov ni 16 khan din a ni a, Branch 27 Mizoram hmun hrang hrang ah an awm tawhbawk. Florist fair ah hian pangpar chingtu mi 20 vel in pho chhuak in, an pangpar chin te mipui lei theih in an phochhuak a ni.

Florist Association hian Lengpui Airport, Rajiv Gandhi Stadium ah te pangpar khawi a an in hlawh thin thu Laltei Ramthar Veng a pangpar khawi tu in a sawi a, an pangpar pho chhuah te chu a chi phai atang chah thin in anlo kui triak a, an zuar thin tih a sawi a ni.

(Byte of Laltei)

(Corr)



MNF VIGILANCE

MNF Action & Vigilance Committee chuan Mizoram sorkarah Ration card khulna tur cheng 20 ni tura bituk a nih laiin khaw hrang hrangah an duh ang zatin khul tir an ni a ti.

Nimin khan Champhai Press Club-ah thuthar thehdarhtute kawmin, - MNF Action & Vigilance Committee Secy David R Lalsawmtluanga chuan he thu hi a sawi a, Champhai District bikah chuan ration card khulna hi a let aia to cheng 50 atanga 30 vela khul tir an ni a, sorkar rate bituk aia a leta tama ration card khultir chu chhun en laia inrawkna leh eiruk na a ni an ti.

Uchuak taka ration man an tihto tawh bakah ration card man leh zel an bithliah aia to taka mipuite khul tir an ni chu na an ti a, hetiang em ema sum duh sorkar neih chu Mizo ang pawhin vanduaithlak an ti a, ration card khulna tur an rate bituk hi mipui bumna nge a aia to daiha khul tirna man chu enga tan nge sorkarin hman a tum tih an sorkar an zawt tih an sawi a ni.

Hetianga rate bituk aia to a ration card a khul tir tawh zawng zawng te pe let leh vek turin Sorkar an phut tih an sawi bawk a, thla khat chhunga a pe let lo a nih chuan MNF chuan mipui thlavang hauh nan hma an la dawn an ti a ni.

ZPM kaihhruai sorkar chuan sorkar hmasa hun laia retailer ruatte hnen atangin an ration lak apiangin Buhfai bag rihna pawh it-in an chhuhsak zel a, tunah anmahni party mi leh sa, an duh zawngte an thlan hnu ak Buhfai bag, sorkar hmasa thlan ratailer te hnen atanga an chhuhsak kha an chhuh ve leh si lo an ti bawk a, sorkar hmasa hun laia retailer hnen atanga buhfai bag rihna leh zel laksak chung a buhfai buk tling leh dik tak a pe tur leh zing dar ruk atanga sem tan turte, nitin buhfai sem turte-a an phut ang khan tuna anmahni party miten retailer hna an thawh hnu pawh hian phut ve zel turin sorkar an phut tih an sawi a ni.
Tunah hian buk tling lo takin ration buhfai hi Mizo mipuiten kan khul mek a, min tiam ang ngeiin Buhfai buk dik tak min pe turin kan phut a ni.

(Lahlupaia Champhai PTC)

<><><>

AIR NEWS ON SOCIAL MEDIA

Chanchinthar hi Akashvani Aizawl atanga puan a ni a. AIR News Aizawl Youtube Channel, All India Radio News Aizawl Facebook page leh newsonair.gov.in ah techanchinthar hi ngaihthlak leh chhiar theih a dah a ni.

Vawiin chawhnu dar 2 leh a chanve-ah Chanchinthar puan leh a ni ang.

<><><>

CJI

President Droupadi Murmu-i chuan Chief Justice of India thar atan Justice Bhushan Ramkrishna Gavai a ruat. Union Minister of Law and Justice Arjun Ram Meghwal chuan Supreme Court judge tanglai Justice B R Gavai chu President-in Chief Justice of India-a ruat anih thu hi a puang a. May ni 14 atangin Justice Gavai-a hian a hna thar hi a zawm dawn a. Tuna Chief Justice of India Justice Sanjiv Khanna hun hi thlaleh ni 13 ah a tawp dawn a ni.

(Newsonair)

<><><>

PAHALGAM

Prime Minister Narendra Modia kaihhruaiin nimin khan New Delhi-a a chenna inah high-level security meeting neih a ni a. He thutkhawmah hian Defence Minister Rajnath Singh, National Security Advisor Ajit Doval leh official dangte an tel a. Tunhnaia Jammu and Kashmir Pahalgam-a firfiaka chetna vanga mi 26 thihna thleng avanga thutkhawm hi neih a ni a. Sipai hotu lu Chief of Defence Staff Anil Chouhan leh service pathum hotulu te an tel bawk a ni.

Hetihlai hian Pahalgam firfiaka chetna thleng avangin Rajya Sabha Opposition Leader Mallikarjun Kharge leh Lok Sabha Opposition Leader Rahul Gandhi te chuan Parliament Special Session neih an rawt. Hruaitu pahnihte hian a hran ve ve a Prime Minister Narendra Modia lehkha an thawnah house pahnih special session hi ko turin an nawr a. Ram inpumkhatna leh tum nghet tak tilang turin a hma thei ang bera session neih a tul thu an sawi a.

Pu Kharge-a chuan inpumkhatna leh tanhona pholang turin session hi nei ngei a tul tih sawiin pawisawi lo civil mite beihna hi do turin chak taka hmalak a ngai tih a sawi a ni.

(Newsonair)

<><><>

PM

Prime Minister Narendra Modia chuan kum zabi 21-na in a mamawh puhru turin sawrkar chuan zirna kalphung a ti changkang zel a ti. YUGM Conclave, Bharat Mandapam-a neih a hmanpuinaah he thu hi sawiin Pu Modia chuan khawvel huap hriatna, zirlai tinin an puakchhuah theih nan sawrkarin tan ala tih a sawi a. Ram hmabak chu thalaite kutah a awm thu sawiin hma hun eng tak a awm theih nan vawiina thalaite hi chher an ngai tih a sawi a. New Education Policy cuan ramchhung zirnaah danglamna a thlen chho mek a ti a. Theihna, thiamna leh tunlai khawl changkanna hmangin India hmabak a siam chho mek tih a sawi a ni.

(Newsonair)

<><><>